

增修華亭縣志

卷三

禮	經	政	運
信	濟	事	置
志	志	志	志

增修華亭縣志

第二編建置志

建置之為用分言之小而國家省縣所由成大而天地世界所由成精言之皆不外物質理論自然三者之構造三者缺一即一家庭一社會之小亦不能成况一縣乎華亭建置所含性量質量三者俱備謹援目志之以供瀏覽如左

城郭

吳越春秋堯使崇伯鯀築城衛君造郭以守民是為中國有城郭之始後魏晉秦二年築亭川鎮城以扼吐蕃唐及五代北宋皆因之蓋即儀州故城金大定二年以城大難守割棄西北三

分之二僅留東南一隅城始縮小明末數陷於寇清順治初知縣佟希堯招工增修舊城雉堞康熙末知縣陳珣葺金築城內西北新城以便固守乾隆三十二年知縣張漢芳詳請修築城垣復新同治六年回匪陷城九年知縣蔣順達擇要補葺後漸崩塌光緒間知縣楊鼎新詳請修築未果宣統三年陝西反正土匪猖獗知縣陳良均典史高晉中招集學紳尚增新潘大觀姜輔周莊居敬張樹勳王建平張正銘潘偉觀幸順祥曹鑑等籌捐合城鎮各界措資三千餘串勉事修葺女牆城樓稍增完善民國九年十一月七日地震牆堞又多崩塌十二三年知事原志堅又籌款修葺梁牆城樓均煥然一新惟西北尚築土堞

綜計城周三里三分有八塚環一千二百一十有七底厚二丈一尺頂寬一丈二尺高約二丈四尺城上邏鋪八敵台四東南西城門三門樓三西門月城一外隍深一丈五尺今皆平坦後周顯德中增修城東外郭先時因之今則僅存遺址十五年十月縣長王玉堂因土匪為患同縣紳潘達觀會議增修邏鋪更房一十八座洗刷北城外牆之低者從此雨寒皆可防守矣

### 廨署 附倉廩

**縣政府** 舊縣署在城內西北朔始於金大定二年新縣署在城內中街之陽朔始於明洪武六年清因其址燬而重修清稱華亭縣署民國二年改稱華亭縣行政公署大堂改稱進思堂十八年改稱華亭縣政府大堂改稱中山堂二堂改稱法庭科房在中山堂前東行政警察三排在中山堂前西馬號在東科房後

### 教育局

在城內東街之陽文廟西後明清為儒學衙門民國初年改稱勸學所十四年改稱教育局從新修治

## 華亭縣志

### 卷二 城郭 廨署

一一

### 公安局

在縣政府西明清為典史衙門民國二年改稱警察所十八年秋改稱公安局

### 建設局

在城內西街關帝廟附設民國十六年春成立

### 財政局

在縣政府前東科房附設民國十六年春成立

### 管獄所

在縣政府前西明清為典史衙門民國二年改稱管獄所監獄十一年原勸吾縣長新建較前改良

### 區公所

一區公所附設城內關帝廟二區公所設在紅山鎮水果街二區公所附設在上關鎮街四區公所附設在馬峽鎮街

### 百貨局

在東關南街民國四年因前清釐金局改組

### 教育會

附設教育局民國十八年春成立

### 農林會

附設城內關帝廟民國十五年春成立

### 商務會

附設東城門外關帝廟民國二年成立

### 倉廩

清光緒知縣楊得炳修民國十一年知事原志堅重修

### 監督行政機關

#### 縣議會

設正副會長各一人文牘會計庶務三股  
民國元年成立附高級小學校三年停止

#### 縣黨部

民國十六年省黨部委籌備委員李興周王化行幸邦隆等三人開始籌備月餘一切就緒正式縣黨部宣告成立第一屆執委會執委五人除常務委員外分組織宣傳訓練三部下分區黨部三區分部九前後改選數次工作越四年即奉令停止經費每月壹百貳拾元由縣政府撥支作為正項開支雖無若大之成績當時貪官劣紳甚形斂跡惜為時不甚久耳

#### 壇廟 附祠寺

考周禮冬至祭天於圜丘曰郊位在南郊取崇陽之義夏至祭地於方澤曰社位在北郊取答陰之義元日祭致於先農曰祈穀位在東郊取東作之義季秋享祀於百神曰報賽位在西郊取西成之義皆所以報天地生成之大德酌百神禦捍之宏庥

### 華亭縣志

#### 卷一

監督行政機關 壇廟

#### 三

也斯禮在國宗伯掌之在縣有司主之即用以治神人和上下也茲將數千年國祀所有未之或廢者如郊壇文武廟及配饗諸神祠臚列如左

#### 郊壇

##### 先農壇

在東城門外

##### 風雲雷雨壇

在南城門外

##### 社稷壇

在西城門外

##### 厲壇

在北城門外

以上四壇皆明洪武初建清乾隆時知縣常齡所重修今皆荒廢淪為牧場按禮經先農壇即祈穀壇位在東郊風雲雷雨壇即郊壇位在南郊均與古禮適合置稷壇於西郊與歲成報賽之義合併社稷壇為一置西城門外用社壇地址特置厲壇於北城之外似與古禮稍有不合姑辨

之以備參考

文廟祀位

崇聖祠明嘉靖九年諭旨各省府縣在

孔子廟後建啟聖祠祀叔梁公清雍正元年封孔子先世

五代王爵更啟聖祠名為

崇聖祠正中上位列

肇聖王木金父公

裕聖王祈父公

詒聖王防叔公

昌聖王伯夏公

華亭縣志

卷二

郊壇

四

啟聖王叔梁公

五代位次木主赤地金字光緒三十四年升大祀春秋上

丁祭用太牢民國十八年秋南京內政部及大學院通令

各省縣歸納春秋兩丁祀典統於八月二十七日

孔子誕辰合祭以隆紀念至從祀

崇聖祠東西配哲名位九從祀

大成殿東西配名位四東西哲名位十二從祀東廡先賢名位

四十先儒名位三十七從祀西廡先賢名位三十九先儒

名位三十六省通志館令云國有通制着刪去初稿詳考

以免重繁

## 重修文廟記

文廟為道德之模範文化之標準自李唐以迄民國千數百年來廟祀徧於省縣其間幾經變亂圯而復新燬而重修者正不知若干次華亭重修文廟提倡德化有碑可考者第一次為明宣德十年知縣楊俟第二次為萬曆三十三年知縣孫公玉第三次為乾隆五十三年教諭王玘訓導蘇潤第四次為光緒十六年知縣皖南程梅亭嶺南黃政勤第五次為民國六年知事英山鄭震谷及學紳姜輔周王建平潘達觀張樹勳潘偉觀莊居敬高士達等惜內工一篲困於兵匪未竟全功實深太息姑志之以俟有心道德文化之官紳完此宏規焉耳

文廟戟門外附特祀四祠

### 忠烈祠從祀位次

晉新平太守秦州刺史皇甫重

晉皇甫方回

隋兵部侍郎并州總管司馬皇甫誕

明華亭知縣何相劉

明華亭訓導鄒公

明掌北京後府兵馬事衛時春

清李吉祥 王 典 辛可薦 遠敏功 張自反 朱九一

清都司陳得勝 廩生潘家修 李 儉

清知縣張衍福

清典史哈慶雲

此外尚有附祀清同治擊賊陣亡石元蒸潘存樸石元醇柳作棟石圭胡生桂石元燉柳作舟楊輔清趙忠朱昇雲王大成薛養性柳作楫馬炳文石垆許祥王忠張重倉薛士仁曹英蘭尹志劉禧李棟何寬樊連春竇萬鵬賈燾李潤王棟李永獲等三十一名

清楚軍張在山三營陣亡將士

民國保衛團長王克敏 書記王善述

民國保安第二隊隊長陳書元

華亭縣志

卷一

忠烈祠從祀位次 名宦祠從祀位次

六

民國保安第一隊正目張進福

此外尚有附祀民國擊賊陣亡團頭張入泮 張 統

排長富春魁 團勇劉九成 樊三成 陳德全 藍玉順

趙懷西 曹安成 陳懷賔 王占福 胡文漢 馬翰儒

張海福 王品賢 張世宗 陳有福 雷大福 王觀光

賈國章 陳進元 羅興發 融會通 張效巡 潘生傑

鄧復旦等二十六名

名宦祠從祀位次

漢度遼將軍槐里侯皇甫規

漢太尉征西將軍皇甫嵩

漢謁者僕射皇甫酈  
北魏車騎都尉皇甫真  
北魏武始太守別駕皇甫麟  
北魏涼州刺史皇甫澄  
北魏畧陽太守皇甫徽  
北周隴東太守皇甫稷  
北周雍州都督皇甫穆  
北齊行臺郎中皇甫亮  
北齊辟州都督皇甫璠  
北齊兵部侍郎并州都督皇甫誕

華亭縣志

卷一

名宦祠從祀位次

七

北齊濟陰太守皇甫和  
隋信州總管皇甫績  
隋尚書主爵郎皇甫佃  
隋柱國宏義公皇甫誕  
唐益州大都督滑國公平輿侯皇甫無逸  
宋檢校太保簽樞密院陝西宣撫使范達  
宋進士承旨郭執中  
明監察御史山東巡按多學  
明貴州左叅政督辦諸獠軍務張諒  
明戶部侍郎總理福建軍務楊諶

明浙江布政使左叅政王政  
明茂州右叅政陳敏  
明宣城伯甘肅總兵衛穎  
明北京兵馬指揮使石輅  
明大名檢校劉時中  
明兵部郎中周鑑  
明夏津知縣少尹石得贊  
明吏科給事中張維新  
明蔚州知州太原推官賈師謙  
明安平知州馬魁選

華亭縣志

卷二

名宦祠從祀位次

官師循車位次

八

清叅議道賈興

附從祀名宦祠官師循卓位次

宋儀州推官薛魁

宋瓦亭監劉滬

宋儀州判官侯可

元華亭主簿王瓊

明華亭知縣李端  
吳璉山  
張守亨  
陳嘉猷

王官  
李圭

明華亭訓導張瑛  
教諭楊維昱

清華亭知縣楊榮胤  
佟希堯  
甘珠爾  
張漢芳  
海柱

蔣順達 程海亭 雷文淵 黃政勤

清教諭趙先甲

鄉賢祠從祀位次

宋鄉賢聶從志

明鄉賢張士恩

明鄉賢曹麒

清鄉賢石長甲

清鄉賢尚恭

節孝祠從祀位次

漢節烈皇甫規繼室

華亭縣志

卷二

鄉賢祠從祀位次 節孝祠從祀位次

漢烈婦皇甫徽妻夏侯氏

明孝子王湘

薛湘

清

潘瑯

明節孝張經妻劉氏

薛銓妻閻氏

柴安慶妻李氏

辛永安妻劉氏

紀言妻李氏

馬魁選妻陳氏

石起鳳妻趙氏

曹務妻俞氏

清陳忠樓妻韓氏

賈體乾妻許氏

尚國光妻張氏

范世璠妻梁氏

李氏 任秉吉妻俞氏

王居正妻吳氏

薛馬氏

徐世珍妻曹氏

梁強氏

張進財妻賀氏 李

劉氏

楊石氏

柳范氏 馮俊傑妻潘氏

龐鉞妻賈氏

民國毛有財妻朱氏

附從祀節孝祠烈女位次

明潘雲霄女 王永紹女

清柴坻李氏二女

以上四祠從祀位次事實備詳名宦人物二志茲不贅述  
又考華亭文廟從來未置祀田惟先農壇王母宮東嶽廟  
昭忠祠共有祀田七八十畝民國十七年春葉縣長超見  
各廟祠久已荒圯不忍殉難官長陣亡軍團缺其祀典特呈請  
省政府劉主席及民政廳在文廟戟門外東建立忠烈祠  
製殉難陣亡官兵團勇木主迎祀其中每年隨

至聖先師誕日合祀將各廟祀田亦先後提議歸作文廟祀田

華亭縣志

卷二

附從祀節孝祠烈女位次 武廟祀位

十

租課遵令歸地方公款局收存備支祭祀雜費郊壇祀典  
是年停止

武廟祀位

關岳廟 在城內西街之陽為清道光十五六年學紳高尚賢  
石長甲等所創建前清僅祀

關聖民國三年經中央國會議決

關岳合祀正中上位列

漢關壯穆侯之位

宋岳忠武王之位

木主赤地金字東西配選歷朝有功中國二十四名將從

祀民國八年縣知事戴光國特製配位木主迎入武廟正位享祭至諸名將姓名出處功績史有詳傳國有通制亦遵省通志館令刪去初稿詳考以免重繁考武廟舊有唐塔下祀田蔴地三段一十八畝每年招佃收租以作修葺祭祀之費地為高士達潘達觀柳燧霞張志仁王化行潘自德姜治國董桂芳等所經理廟宇祀典有此資助或永遠不致傾圮廢墜矣

### 附四區祠寺

#### 一區民建

### 文昌宮

在城內北巷高阜清咸豐時知縣黃家聲重修

## 華亭縣志

### 卷二

#### 武廟祀位 附四區祠寺

### 十一

### 城隍廟

在城內西街之陽清嘉慶二年知縣徐鑑改修樂樓道光三年知縣史彬光二十年右堂呂明重修光緒十五年知縣楊得炳暨學紳高尚賢姜滿梁峻潘琇重修民國十一年潘達觀姜輔周重修抱廈有祀田塔兒上蔴地三段半共六畝皇甫山白地一段八畝嘴頭白地兩段二十畝

### 火神廟

在城內南巷之西清道光二十四年知縣劉發毅重修民國十三年高士達姜輔周等重修

### 子孫宮

在南巷火神廟西民國十一年知事原志堅重修有廟院祀田一段四畝

### 禹王宮

在城內南巷之東清光緒十七年知縣黃政勤固原前營游擊韓正德貢生張蟲軍功楊萬翰劉德興等勅修祀大禹文昌葯王財神川主

### 魁星閣

在城上東南隅清光緒六年知縣王南薰勅建今廢

### 北極宮

在東關之北

### 龍君祠

在城外東北隅

### 東華觀

在東關東郊今廢

### 靈岩寺

在河南隴州溝口

藥王洞

在城外南山偏西民國十五年潘達觀張志仁董桂芳姜輔周等重修有祀田三十畝

王母宮

在城外南山初始於明今廢

靈應寺

在西郊初始無考今廢

太清宮

在東關之東初始於明今廢

東嶽廟

在東關之東初始無考今廢

禪國院

在西關外唐塔之西初始於明今廢

八蜡廟

在西關西北初始於明今廢

老君庵

在東峽口石嘴子

上亭廟

在縣城西十里

西華觀

在縣城西二十里

華亭縣志

卷二

附四區祠寺

十一

觀音寺

在縣城西南二十五里

陶神廟

在縣城東北十五里硯峽鎮明嘉靖丙寅年都察院僉都御史趙時春撰記碑文採入藝文志

雷神廟

在縣城東儀山頂上

太白廟

在硯峽鎮東南山上

白狗廟

在城東石嘴子相傳為義犬俸養主母犬死風世所修惜朝代事實不詳今其廟已廢僅留遺址

青龍寺

在柴坨坡

盤龍寺

在柴坨鎮傅家溝祀烈神大王

翠峯寺

在硯峽鎮清光緒間唐坤元鄧寶文等勸修祀無量祖師關聖帝君有祀田一百一十二畝

飛來聖母廟

在西關唐塔之下今廢

大府元君廟

在西關唐塔之北明建今廢有徐際春撰樂樓碑記文採入藝文志

東關關帝廟

在東關南坐西向東

西關關帝廟

在西關之西坐西向東

朝那大王廟

在縣北朝那山廟兒嶺有明趙浚谷先生撰記碑文採入藝文志

清真寺

一在東關南頭為天方舊教清光緒十二年都司禹得彥農官金寶玉所勅修一在東關北頭為天方新教光緒二十六年茄占魁孫紀紅禹得彥所勅修一在東關東巷為天方新教光緒二十一年馬步林張占倉所勂修一在龐家磨為天方新教光緒十五年楊生順馬金玉所勂修

財神廟

在仙姑山街西院有何仙姑鐵碑清同治以前為山西僑商會館今為土人神祠

## 一一區民建

興善寺

在窰頭鎮昔為尼姑庵後寺廢瓷戶乃改建陶神廟祀虞舜清光緒間梁允升張文愷先後重修為該鎮極大寺觀

雲台寺

在紅山鎮雲台山故名清乾隆四十二年蒲思洋尚國景所復修同治回亂焚燬光緒二十二年王瑛李香李一心李根秀劉綱羅光辰辛福等重修民國五年梁有成王誥補修為該鎮極大寺觀祀三皇老君關帝大府二府三府元君文昌葯王等神

## 華亭縣志

### 卷二

#### 附四區祠寺

十三

興隆寺

在窰頭鎮新庄明時勂建今僅餘殘垣

西泉寺

在窰頭鎮西溝有甘泉故名祀騎馬關帝武装持刀像極威猛今廢

涼泉寺

在紅山鎮楊家溝南有泉水清涼故名明時勂建今寺址悉廢為農田僅餘泉水

西峯寺

在紅山鎮西山明時建祀葯王送子娘娘清同治初年回亂焚燬光緒間梁允升重修民國九年辛懋官補修惟山頂無量殿至今未修

萬聖宮

在紅山鎮青果市街清嘉慶二十一年間大福尚維本賀瓚第三次重修同治回亂後光緒十八年王萬鎰劉遇春郭山青第四重修

二郎廟

在二區東峽河北清光緒間建祀灌州二郎

邱爺廟

在二區西嶺清光緒間建祀邱長春真人

雷祖廟

在二區西嶺清光緒間建

觀音樓

在紅山鎮街十字口勂始年代無考清同治回亂後僅存遺址民國十一年石殿墮張西成賈自成辛懋官重修

八方廟

在二區南嶺清光緒間建祀九天聖母

八里廟

在二區南川清光緒間建祀神全上

抵汭元君廟

在二區東峽距縣城五里初始無考祀汭水之神今廢

總督山神廟

在二區紅山鎮青龍山唐時建祀程咬金民國初年韓百祿重修

清真寺

在紅山鎮西街後為天方舊教清光緒十五年禹得彥沙得才包占魁所勸修

### 三區民建

千佛寺

在下關村街西二里清光緒十五年孟成張丕王茂王新瑞幸順祥重修祀觀音地藏釋迦

龍王廟

在高山村清光緒間喬世成張崇陳錫周高洪成等建祀聖帝龍王

三官廟

在下關村西北十里清光緒十年幸順成建祀三官地藏送子娘娘

清平寺

在珍林村西民國十年陳有喜秦致祥建祀珍珠娘娘桃園三傑

椿林寺

在珍林村清光緒十五年周尚成李生福等重修祀聖帝韋佗

華亭縣志

卷二

附四區祠寺

十四

文昌宮

在尚武村中街清光緒二十五年朱德隆張得林胡華亭張春等建祀七曲文昌

朝陽觀

在上關村北街口楊漢仁王錫成等重修祀關聖帝君

青林觀

在青林村清光緒間劉萬福劉萬祿王忠孝等建祀關聖帝君

洪濛寺

在青林村西什字路清順治五年重修山西臨晉縣知縣邑人馬魁選臨晉縣丞邑人張雲路撰書碑記

湫龍寺

在青林村北山之北

蒲塘庵

在麻菴鎮三角村蒲塘山下

朝陽寺

在麻菴鎮今廢

丹泉觀

在王天鎮

朝陽宮

在王天鎮清光緒末年強文郅廷輔等重修

鳳凰寺

在上關鎮鳳凰村磨坪

溫泉寺

在上關鎮溫泉村王家溝

真武宮

在縣西七十里麻菴鎮

### 四區民建

聖帝廟

在馬峽鎮中街

靈湫寺

在馬峽鎮河北高阜

腰崖寺

在馬峽鎮東二里河北大石山間有廟甚多祀玉皇雷祖觀音藥王清雍正二年甲辰住持僧海原縣蔡性叅募化勸建

黃華寺

在山寨鎮東

龍蟒寺

在新店鎮

原安寺

在新店鎮祀天妃娘娘

興龍寺

在新店鎮楊家庄祀三官佛祖觀音齊天大聖有祀田二十畝

## 華亭縣志

### 卷二

附四區祠寺

十五

朝陽宮

在新店鎮街北飛鳳山上初自唐代明時復修清道光二年咸豐十年重修祀三皇關帝藥王老君等神有庠生趙守信高建業張士楷章俊卿撰書碑記

延齡寺

在安良鎮今廢

黑湫廟

在山寨西北黑湫之旁祀亂石大王考此神係宋乾德間隴上嚴氏弟兄歿為南北湫神華亭稱蓋國大王隆德靜寧稱惠澤大王以禱雨最靈也

主林寺

在主山鎮有石洞崖梯土人相傳為宋余宏所建今廢

雲崖寺

在主山鎮南峽偏西崖壁間相傳初始者為唐尉遲敬德重修者為明萬曆十二年甲申李宗羲左廷相今廢有祀田四五十畝亦被人侵沒

蛟龍寺

在主山鎮照雨山陽明萬曆乙丑年初建崖有石洞三隻内置殘碑題曰治世玄岳洞碑記有祀田二十畝寺與田今俱荒廢

大寺

在主山鎮北峽有白雲洞胡瓚宗遊記碑載景甚詳記入藝文志

香山寺

在主山鎮北峽今廢

紅崖寺

在主山鎮北峽今廢

清真寺

在安良鎮為天方舊教光緒十四五六年禹得彥禹建功等初修共有八座

中國君權盛於嬴秦墜於滿清其一千餘年間之神權亦隨君權與之俱進究神權之興起始於兩漢極於六朝梁武十里一觀五里一寺南朝行之北朝倣之是以寺觀徧於全國且大增良田以為廟產豢養遊閑造謠蠱巫古聖崇祀鬼神報本追遠象功昭德之意從此盡失民族宗法社會遂一變而為迷信神權社會要福免禍之惡習竟從此造成甚至一縣之小寺觀廟宇有達數十數百者雖屢經匪亂焚燬而重修者正復不少廢而未修者亦隨處皆是國家誠能應定明定應明祀之神限制縣寺之數宣傳崇拜之旨以去迷信而挽巫風神道亦庶幾昭明民族精神亦庶幾

恢復矣

區村

附鎮集堡寨

清光緒三十五年頒自治章程各縣分中東南西北五區民國十八年夏甘肅民政廳頒佈中央內政部規定各省縣自治新章最大之縣劃分十區最小之縣劃分三區華亭開自治會議各界全體表決按戶口約畧平均分劃四區以一二三四定名區以百戶為村設正副村長各一人不足百戶滿五十戶者為閭設閭長一人滿二十五戶者為隣設隣長一人隣閭皆隸屬村區村設村公所村長主之區設區公所區長及助理員主之村區各公所皆附設保甲團練局及息訟會辦理一切自治自

衛事務謹將各區所轄村數及距城里數戶口分志如左

第一區

屬村十

中山街	在城內	三二八戶	一四二二口
三民街	在東關	二九六戶	一一五口
最優村	北五里	一九七戶	一口
峽口村	北十五里	二三戶	八一
上亭村	西十五里	一六四戶	八三六口
澗池村	西南二十里	一五九戶	七八八口
山固村	西十五里	一五五戶	六六八口
硯峽村	東北十五里	二二七戶	八五四口

華亭縣志

卷二

區村

附鎮集堡寨

柴坻村	北三十里	一六七戶	七四七口
柴坡村	北三十里	一六四戶	五四三口

第二區

屬村八

紅山村	東四十里	三六戶	一二八六口
興隆村	東四十里	二六三戶	一一三七口
石廟村	東南四十五里	九八戶	三九二口
新華村	東南三十里	九九戶	五五四口
桂花村	東二十里	二二戶	三五八口
梅花村	東二十五里	九四戶	二五八口
金片村	東三十里	一七八戶	八六五口

保安村 東南二十五里 一二八戶 六五三口

第三區 屬村十三

下關村 南四十里 一六六戶 一六八口

尚武村 南二十里 一五八戶 九五五口

珍林村 南二十里 一二七戶 七六四口

高山村 南三十里 一四四戶 一五三口

上關村 南四十里 一二三戶 七八二口

溫泉村 南三十五里 一一戶 五二口

青林村 南二十里 一三戶 五五五口

鳳凰村 西南三十里 一八九戶 一一一八口

華亭縣志

卷二 區村 附鎮集堡寨

麻庵村 西南七十里 一四九戶 七四八口

三角村 西南七十里 一四九戶 七四八口

柳林村 西二十五里 一三二戶 五二八口

朝陽村 西二十里 一三七戶 九一口

四溝村 西北三十里 一五戶 六九五口

第四區 屬村十三

新店村 北四十里 一五戶 五五六口

楊家村 北四十五里 一九戶 六八七口

大峪村 北三十里 一四戶 七六五口

安良村 北六十里 一一四戶 三四七口

保康村	北六十里	一二	戶	六五四口
長泰村	北六十里	一四	戶	六一七口
山寨村	西北五十里	一二	戶	五四二口
上街村	西北五十里	一七	戶	七六六口
乾河村	西北五十五里	一三	戶	六七口
馬峽村	西北三十里	一六	戶	八三四口
劉店村	西北四十五里	二	戶	一四九口
主山村	西北七十里	一六	戶	四七二口
良山村	西北七十里	一三	戶	五九八口

堡寨 堡寨為保民之具抑民自保之具匪氛若熾堅壁清野

俾掠無所得居不能久再以大兵躡其後而殲之匪乃可平然是計也非教民修築堡寨於平日嚴守具以備之若時值大亂而欲民有恃無恐不崩逃流離也難矣華民經同治亂後堡寨廢弛完好者不過一二謹按區志其名稱如左

一區

爛柯堡 廢

嘴頭堡 廢

柴坻堡 廢

五鳳堡 廢

仙姑堡 廢

太平堡 廢

堽坎堡 廢

眺視堡 廢

皇山堡 廢

二區

紅山堡 存

窩頭堡 存

雙柏堡 廢

雷神堡 廢

石山堡 廢

郭家溝 廢

蒲家堡 廢

三區

三鄉堡 在下關  
今廢

高山堡 廢

武村堡 廢

吳家堡 廢

馬家堡 廢

黑鷹堡 廢

潘家堡 廢

中和堡 廢

孟家堡 廢

兵部堡 在上關磨坪  
今廢

石門堡 在麻菴鎮  
今廢

王家寨 廢

何家寨 廢

張家堡 存

朝陽堡 在上關街後

四區

新店堡 廢

曹家堡 廢

蛟龍堡 廢

劉家堡 存

主山堡 廢

梁原堡 在山寨鎮  
今廢

鎮集 集聚也鎮重也聚區村之民於重要之地交易而退各  
得其所由來尚矣華亭區各有鎮鎮或有市有集或僅有鎮名

華亭縣志

卷二

區村 附鎮集堡寨

而無市無集有市無集者此種貿易場之盛衰當以生齒之繁  
減地域之廣狹距離之遠近交通之便否為標準鎮之立與集  
之興實有可志之必要在焉

九龍鎮硯峽鎮清屬在儀里民國屬一區

紅山鎮窑頭鎮清屬東壁里民國屬二區

四條鎮高山鎮清屬南安里民國屬三區

龍眼鎮王天鎮清屬西園里民國龍眼鎮屬一區王天鎮屬

三區

新店鎮柴坻鎮清屬北固里民國新店鎮屬四區柴坻鎮屬

一區

馬峽鎮山寨鎮清屬西北里民國屬四區

主山鎮麻庵鎮清屬更名里民國主山鎮屬四區麻菴鎮屬三區

安良鎮清屬安良里民國屬四區

按以上十五鎮四條鎮高山鎮則無市無集麻菴鎮硯峽鎮九龍鎮窑頭鎮主山鎮柴坻鎮新店鎮王天鎮則均有市無集亦有此鎮無集而與接近之彼鎮或彼市合集者如高山鎮尚武村珍林村則以月之三七十日而合集於下關村窑頭鎮則以月之二五九日而合集於紅山鎮四條鎮則以月之四八日而合集於上關村馬峽鎮則以月

之一四七為集龍眼鎮則以月之二五八為集山寨鎮則以月之二五九日為集安良鎮則以月之單日為集縣城三六九日則各區鎮之合集也

### 道路

道路為交通之具以幹路支路分之華亭之幹路有四一曰正南幹路由縣城經尚武村下關村距陝西隴縣一百一十里二曰正北幹路由縣城經柴坻鎮馬鋪嶺鵬窩峽距平涼縣一百一十里三曰東北幹路由縣城經紅山鎮土谷峪潘家灣四十里舖可以行車距平涼縣一百五十里四曰西北幹路由縣城經馬峽鎮山寨鎮安良鎮白岩鎮距化平縣一百二十里支路

有三一曰正東支路由縣城經紅山鎮臨洮堡銅城距崇信縣一百一十里二曰西南支路由縣城經四條鎮十八盤小隴山麻庵鎮漳川距清水縣一百四十里三曰西北支路由縣城經馬峽鎮劉店村主山鎮距靜寧縣焦韓集一百里由平涼經四十里舖紅山鎮深峪河青泥溝李家河至陝西隴縣二百餘里之車路為民國十一年汪振懋用瓷稅僱工所監修劉店村主山村至靜寧縣焦韓集七十餘里之山路為民國十二年知事原志堅派賈生祿所監修由縣城東關至下關之車路為趙文元派李興魁幸國霖督民夫所修

### 關梁

大震關今名大會坡距縣城西北六十里為隆德化平入境之要隘後魏防羌唐防吐蕃宋防西夏皆以此地為重鎮馬舖嶺栗樹梁距縣城東北六十里為平涼入境之要隘臨洮堡牌坊嶺距縣東六十里為崇信之銅城白家灣入境之要隘唐防吐蕃曾於此屯駐重兵下關距縣城南四十里為陝西隴縣崇信赤城入境之要隘上關距縣西南四十里為清水縣由隴縣馬麓坡鐵馬河入境之要隘店子峽距縣西八十里為靜寧秦安入境之要隘治華者誠能知關隘之所在察寇敵之趨向因其勢而防守之則地利必為我用矣

津渡有柴坻津新店津縣北洩津縣南洩津武村津紅山津洸

底津諸處夏秋水煖民皆徒涉冬春水寒由官督鄉約店戶架木為梁以渡行旅從無絕大之橋工惟窰頭鎮有永固橋一座係民國三年隴東駐防營長謝有勝取紫金山唐代石條所建至今尚存

### 水利

近河居民多鑿渠引水剏修水磨水碾以製麥粉穀米縣西近山之民地高水峻亦有建擦磨製木泥供香料者引水溉田自明惠民渠廢近河灌溉園蔬之小水利則間有之至相地開渠灌溉麥穀之大水利則乏人提倡民皆習於苟安也

增修華亭縣志

第三編政事誌

政寬則民慢政猛則民殘慢非寬慢之也用寬而失其信則慢殘非猛殘之也用猛而失之暴則殘慢久則民生玩殘久則民生畏玩與畏皆為政之大戒華民幾經暴亂生畏者久而習於玩者亦久久生畏則情怯而猾久習玩則性狡而偽怯猾狡偽皆足以壞政而敗俗為政者誠能寬而有信猛而不暴如此而欲興利除弊以求華之治也何難之有

民國十八年夏自治成立縣政府縣長有所措施則招集區村長及各界代表開政治會議教育局有所措施則通知教育會

招集各區會員開教育會議國家及地方財政俱明令公開以前隔閡舞弊之習從此稍除頗有專制政體過渡民權政體之氣象

職官 附胥役

商周盧國建侯秦漢迄隋置縣令唐置刺史後周增置縣令於東郭宋於刺史之外又置推官知州司戶叅軍判官監官邑丞巡檢諸職以分其權金元明清同城文設知縣典史訓導武設經制關隘設外委巡檢等官清末武設巡長經制亦未之或廢民國元年改知縣為知事改典史為典獄未幾又改典獄為管獄員裁訓導設勸學所長文廟另設俸祀官以主祭祀裁經制

調駐行營改巡長為警備隊長後又改警備隊長為警佐壙鎮添委警察長一員十四年改勸學所長為教育局長經理全縣教育事務添置建設局長督辦實業事務十六年夏設地方公款委員會舉正副會長各一員管理財政公開事務二十一年春又改為財政局十七年改縣知事為縣長十八年夏裁俸祀官文廟歸教育局長保管改警佐為公安局長統率武裝警察以戒不虞此外尚有百貨徵收局長各一員菸酒局長一員土藥善後局長一員皆由省財政廳臨時委放專理國家稅務之責者也

胥役清因明制設吏禮戶兵刑工六房壯快皂三班六房各設

吏員一名書役二名以司房務民國二年改六房為總務教育二科十五年改二科為一二三科每科設科長一員書記二名僱員無定額此外尚有檢驗吏一名司驗尸傷三班各設班頭一名差役共六十餘名快差佔其多數壯差次之皂差又次之快差逮捕盜賊習與盜通以分利賠贓為慣技故華亭恒多盜賊之害壯差民刑訴訟持票傳案以藉公搯索為常事監獄則設監禁一名民國十五年冬改三班差役為一二三排行政警察監禁改稱看守夫名目雖易而舊日惡習尚未盡革

保甲 附民團

保甲為中國古今弭盜之良法清末其法大壞民國成立匪氛

日熾兵去匪來匪去兵來人民困於兵匪不得已而為自衛之計設立保甲以為民團基礎其組織之法十家為排設排長一十排為甲設甲長一十甲為保設保正一考清里甲之制華亭劃分八里里之屬甲多寡不一里制又為鎮所分割鎮各自為風氣故有足甲而無足保者是以保正俱行缺如每甲排長若干特設甲長一名統之以稽查匪類設里長一名以司催科設鄉約一名以辦公務司斗秤里長鄉約每年冬至皆由地方人民公議殷實花戶輪流充當每里特設里書一名以司田地買賣丁賦之轉移此保甲之所以不十分完備也茲將清里甲之制臚列如左

在儀里屬甲十里書一名里長十名鄉約十名甲長十名排長百名團丁千名

東壁里屬甲十里書一名里長十名鄉約二名甲長十名排長百名團丁千名

南安里屬甲十里書一名里長十名鄉約八名甲長十名排長百名團丁千名

西園里屬甲十里書一名里長十名鄉約四名甲長十名排長百名團丁千名

北固里屬甲十里書一名里長十名鄉約六名甲長十名排長百名團丁千名

西北里屬甲十里書一名里長十名鄉約四名甲長十名排  
長百名團丁千名  
安良里屬甲六里書一名里長六名鄉約一名甲長六名排  
長六十名團丁六百名  
更名里屬甲二里書一名里長二名鄉約四名甲長二名排  
長二十名團丁二百名

驛郵 附電話

毛奇齡曰驛以馬郵以人清同治以前純用驛以驛速於郵也  
光緒初年則驛電並用以電線雖速猶未徧設於全國也光緒  
末年則廢驛用郵京師始有郵傳部之設民國元年則改郵傳

部為交通部郵政始推行於各縣電線乃徧達於省會公文及  
民間信物皆納費於郵局以寄之而公私兩便是郵政已寓裕  
財之道矣華亭在未分化平以前置塘汎六處置驛馬十三匹  
舖夫三名舖司十五名以備文件之傳送化平既分以後則繁  
缺變為簡缺僅餘驛馬四匹光緒中葉僅留三匹宣統初無馬  
則以人代驛民國元年始設郵政分局於城內漸及紅山鎮以  
商人代辦之近則改分局為郵寄代辦所郵差凡三日或隔日  
一循環國家驛馬之費乃於是乎全省  
民國十四年軍事浩繁始於紅山鎮由四十里舖至平涼添設  
電話二十年又由紅山鎮推達縣城消息靈通更甚於前

## 兵防

清初城防額兵五名乾隆四十六年回變增為二十五名四十九年回變增為四十五名同治元年回變增為二百名給養民已不支同治六年裁留三十名光緒元年裁留二十六名宣統元年裁留十六名宣統三年革軍起義土匪乘擾又增至六十名籌民捐以養之光緒末年防兵之外又增巡警十六名宣統間皆因之民國三年改巡警為警備隊定額八十名籌地畝捐商店捐斗秤行包款以作餉而兵額又增民國六年改警備隊為警察以十六名為率而兵額又減民國十七年土匪千百為羣城內募保衛團勇三十名警察亦添為三十名分駐城上匪

至並大集城鎮民團以資防守是年冬改警察為保安隊民國十八年春又改保安隊為武裝警察隊額數與保衛團勇數同前此外因匪勢情形尚有增駐之防軍一二三營不等民國二十年秋九月新編陸軍第十三師師長陳珪璋令第一旅團長高紫嶽率第三團隊來華駐防除正賦雜稅及派送平涼本地軍糧數千石外又向民間攤派平涼及本縣駐防各項兵費每月合計不下大洋七千五百元華民貧富之家所有蓄積從此如洗廿一年春不能支持之民多棄業逃走

## 教育

附書院義學科目學校學制  
建築文體及創始經費各表

清乾隆三十五年知縣張漢芳改明代察院為儀山書院置學

田籌膏獎聘名宿課俊秀華亭文運為之一昌同治時兵燹連年書院廢弛光緒初年學紳雖加整頓亦無起色惟左文襄撥常年厘金銀一百八十兩分設義學六處稍有可觀後學銀漸被侵蝕義學亦漸廢弛但斯時為科目時代人自為學科試三年一考學額僅取文生八名歲試二年一考學額文武生各取八名廩增額各二十名三年貢士一名廩增額亦以次挨補文試四書五經八股詩賦文武試弓箭刀石科歲考試必縣府院三試取中乃准光緒三十年廢科舉制度綜文武試途改儀山書院為官立高等小學堂改義學為公立初等小學堂學制初等學生四年畢業高等學生三年畢業府立中學堂亦然所習

學科為修身國文地理歷史格致算術農業商業英文體操圖畫唱歌手工等初等畢業授以文憑以次遞陞論年限不拘額數知縣陳翰聲籌捐創建趙發藻踵事興修建高等學堂禮堂三間講堂五間前後齋房十六間補葺頭門三間汪令宗瀚又於西齋下增修勸學所三間東齋下擬修教育會未果體育場在講堂之後

民國二年高等學堂管理員潘達觀又於頭門外增修照牆字爐同勸學所長陳輔周教員幸國麟霖籌增高等常年經費民國三年高等學生已達五十名教育比較前清末年稍覺起色初等小學為基本教育華亭十五鎮綜計初等小學堂不下二

十處惟紅山鎮則以王瑛所修之義學為學舍窰頭鎮則以梁鴻猷所修之桃山書院為學舍下關則以幸順祥所修之初等明德小學堂為學舍其餘各鎮或因寺廟或佃民房移彼遷此從無定所

民國四年張樹勳陳輔周柳燧霞初設城內一二初等小學堂  
民國五年教育廳令改初等小學堂為國民學校知事周昆又  
令石殿璽陳炳炎等建築窰頭鎮國民小學校講堂五間民國  
六年知事鄭震谷又籌款建築上關國民學校一處並增修窰  
頭鎮國民學校齋房民國九年知事戴光國令下關幸國霖就  
地籌款建築南區武村堡高山堡吳家堡第二三四國民學校

改下關明德初等小學堂為南區公立第一國民學校民國十  
二年知事原志堅同學紳潘達觀又初設城內女子小學校徐  
杰趙文蔚又初建龍眼鎮第一國民學校禹建功又初建安良  
鎮第一國民學校民國十四年知事趙文元同學紳張樹勳潘  
偉觀尚政治等又在文廟崇聖祠後建築城內第一初級小學  
校教育局亦從新建築基本教育稍有起色

民國十四年中央教育部通令各縣初高兩校學年畢業為四  
二制改各道中校學年畢業為三三制十八年改各省中山大  
學畢業為四年制

民國十六年春縣長王玉堂招集各鎮學紳開教育行政會議

籌常學捐六千四百元推廣各鎮初級小學校公布強迫男女學童入校章程以期教育之普及城鎮高初學校已增為三十九處夏季又特開運動會以振士風並籌措大洋二千六百元令幸邦隆王化行等督修新城一高新校令紅山鎮學紳張瑶林王誥石殿璽杜如棣李興周辛志勤車迎賢等清理該鎮神廟公款在正街建築二高新校民國十七八年匪旱交困物質價昂工資告罄校工未成縣長張文泉又就地籌補大洋二千八百元資助一高新校禮堂功程一高規模設備遂為全縣之冠十九年紅山鎮趙芳又倡建南川第四初校孟九成又倡建柴坻鎮第一初校二十年紅山鎮張瑶林等又改建第二女子

小學校縣長王仲明又就地籌款二千元資助一高禮堂工程廿一年春區鎮初小學捐議由教育局直接收支以一事權縣長張次房又特籌留學經費送培女校師生並開運動會激勵尚武精神開暑期講習會訓練初小教員促印新修縣志購買圖書館書籍二十二年春縣長高望之又創辦單級師範學校華亭教育前途能得官紳如此繼續提倡其進步真有不可限量之勢僅將所有校數成立年代及初始之人列表於後以為提倡進展之徵

文體自清季戊戌變法廢八股文及五言六八韻詩科舉及學校作文均仿宋神宗時制度專試經義史論時務策三種科學

問答文體亦從此甚行光緒三十五年停止科舉學校教士專重經義史論試策漸少民國元年迄六七年高初各小學猶兼講經學孟子等書試文猶尚經義民國八九年小學廢講經孟經義文亦從此不作重史論猶重記說至民國十七年學校國文作法通令改文言文為語體文名國文曰國語以期言之統一記說從此比史論更重此文體隨時變更之特徵也

華亭縣 初高 級小學校設立年月暨始人姓名一覽表

區別校	名校	址	設立年月	初	始	人	學生數
第一區縣立第一高級小學校	舊高在城內西街 新高在北新城	城內東街	清光緒三十三年 民國十六年	舊陳翰聲陳輔周姜輔周等改修 新王玉堂 張文泉 王化行 等初建	張樹勳	五十八人	
縣立第一模範初級小學校	城內東街	城內東街	民國四年二月	柳燧霞	五十三人		
縣立第二初小學校	城內西街	城內西街	全上	陳輔周	三十五人		
縣立第三初小學校	城外東關	城外東關	民國十六年二月	李興魁 禹正江	三十八人		
縣立第一女子完全小學校	城內南街	城內南街	民國十二年二月	原志堅 趙毓義 孟安	二十五人		
龍眼第一初小學校	上亭廟	上亭廟	民國十六年二月	趙文蔚 趙毓義 孟安	一十七人		
龍眼第二初小學校	仙姑山	仙姑山	民國十六年二月	薛壽松	一十三人		
龍眼第三初小學校	澗池裡	澗池裡		糜正邦	一十六人		
華亭縣志 卷二 三十三							
柴坻第一初小學校	柴坻西街	柴坻西街		孟九成 張明	一十九人		
柴坻第二初小學校	吳家溝	吳家溝		蔡元成	九人		
九龍第一初小學校	王家河	王家河		唐鳳岐 馬金玉	三十九人		
九龍第二初小學校	王家峽口	王家峽口	全上	朱承璋 高攀桂	一十一人		
全上硯峽第一初小學校	硯峽庄	硯峽庄	民國十二年二月	鄧寶文 唐魁元	二十三人		
第二區窰鎮第二中山高小學校	窰鎮正街	窰鎮正街	民國十六年二月	石殿璽 張段張文成瑤愷章林 李辛李興懋廷周官棟	一十九人		
窰鎮第一初小學校	磁器街	磁器街	民國八年二月	劉丕基 車迎賢	三十六人		
窰鎮第二初小學校	大集街	大集街	全上	石殿璽 劉瑞	二十六人		
窰鎮第三初小學校	八方廟	八方廟	民國十六年二月	吳洪韜 陳友仁	三十三人		
窰鎮第四初小學校	寺柯裡	寺柯裡		趙閻庭 顏昌學	三十四人		

					第四區	全上											第三區	全上											
新店第二初小學校	新店第一初小學校	馬峽第二初小學校	馬峽第一初小學校	山寨第一初小學校	主山第一初小學校	王天第二初小學校	王天第一初小學校	上關第六初小學校	上關第五初小學校	上關第四初小學校	上關第三初小學校	上關第二初小學校	上關第一初小學校	下關第四初小學校	下關第三初小學校	下關第二初小學校	下關第一初小學校	窟鎮第六初小學校	窟鎮第五初小學校										
南峪裡	朝陽寺	劉家店	馬峽街	山寨下街	竹林寺	寺溝裡	王家寨	王家溝	磨平川	九龍山	什字路	青林觀	上關西街	吳家堡	武村堡	高山堡	佛爺寺	東峽	郭家溝										
		民國十六年二月	民國八年二月	全上			民國十六年二月	全上				民國十六年二月	民國十二年二月	民國十一年二月	民國九年二月	民國九年二月	清宣統元年	全上											
陳自鏡	王徽槐	楊興林	陳自新	張師孔	馬瑶	韓喜	李棟	王錦雲	莊立敬	柳入泮	馬文秀	柳文	龐炳仁	雷殷南	邵廷輔	强文	郭維國	張安西	陳堯										
九人	二十人	十五人	二十人	二十人	二十人	二十二人	十八人	二十人	一十八人	二十二人	二十人	二十八人	十二人	二十五人	四十二人	二十七人	二十四人	二十五人	八人										
										劉鈞	趙文元	蕭居中	劉萬祿	陳兆璋	楊漢仁	魯正璽	王國霖	羅文光	戴錫成	高錫周	陳錫成	戴錫成	汪宗翰	趙宗翰	來三德	傅文忠	劉廷儒	張翰仁	王生才
										潘善慶	蕭居元	王恭	王克變	周尚成	鞏秀清	周尚成	馮國霖	幸國霖	李得福	梁雲福	幸國霖	幸順祥	崔萬海						

全上安良第一初小學校

十二堡正街

民國十二年二月

禹建  
中和功

說

據民國十七年度華亭全縣高初小學共三十九校  
男女學生共九百八十九名辦學職員共一百一十四名  
謹列表以備考查

明

華亭縣 初高 小學校暨社會教育經費統計表 民國十七年分

區別		校別	教職員數	經費	
				歲入	歲出
第一區		縣立第一高小學校	四		八百四十五元二角七分五
		縣立第一模範初小學校	二	初小常年學捐六百元	一百七十五元八角
		縣立第二初小學校	二		一百六十四元六角三分
		縣立第三初小學校	二		一百六十五元八角五分五厘
		縣立第一女子完全小學校	四	以上均由教育局收支	三百八十一元七角四分
		龍眼第一初小學校	三	以下三校常年學捐四百元	六十九元四角一分
		龍眼第二初小學校	二		一百一十八元三角四分五厘
華亭縣志 卷二 三十六					
全上		龍眼第三初小學校	二		一百二十一元
		柴坵第一初小學校	三	以下二校常年學捐二百元	二百七十元二角五分
		柴坵第二初小學校	二		一百二十元
		九龍第一初小學校	三	以下二校常年學捐二百元	九十元七角三分
		九龍第二初小學校	二		三十五元零三分
		硯峽第一初小學校	二	常年學捐二百元	一百九十二元八角八分
第二區		窰鎮第二中山高小學校	四		六百二十九元
		窰鎮第一初小學校	二	全鎮六初小常年學捐八百元	二百八十二元五角一分五厘
		窰鎮第二初小學校	二		一百八十一元八角三分五厘
		窰鎮第三初小學校	二		九十九元

				第四區	全上										第三區	全上			
新店第一初小學校	山寨第一初小學校	馬峽第二初小學校	馬峽第一初小學校	主山第一初小學校	王天第二初小學校	王天第一初小學校	上關第六初小學校	上關第五初小學校	上關第四初小學校	上關第三初小學校	上關第二初小學校	上關第一初小學校	下關第四初小學校	下關第三初小學校	下關第二初小學校	下關第一初小學校	窟鎮第六初小學校	窟鎮第五初小學校	窟鎮第四初小學校
三	二	二	三	二	二	三	二	二	二	二	三	二	三	二	二	一	一	二	
全鎮二初小常年學捐四百元	常年學捐四百元		全鎮二初小常年學捐六百元	常年學捐二百元		全鎮二初小常年學捐三百元						全鎮六初小常年學捐六百元				全鎮四初小常年學捐六百元	以上高初七校均由該鎮學務委員收支		
二百二十元	二百元	一百五十元	二百九十七元	二百元	一百五十元	一百五十元	一百三十六元二角	一百元	一百五十二元	八十三元	一百一十八元七角		一百五十元	一百八十元	一百一十元	一百一十元	四十四元	五十二元五角	一百六十九元七角二分

新店第二初小學校	二	一百五十三元八角
全上安良第一初小學校	三	二百一十元
第一區閱報室	一	五十四元三角六分六
圖書館	一	
講演所	一	五十四元三角六分六
中山俱樂部	二	

說

華亭高初女小學城鎮舊僅有九處自前任王縣長到任後極力擴充遂將各鎮私塾悉數化為公立學校竟增加高小一處初小三十九處以經費不敷量鎮分大小全縣共派教育捐六千餘元以資補助除中區由教育局直接收支外其餘各區鎮學捐均歸各鎮學務委員催收開支年終結賬呈報教育局存查彙報教育廳備案不得浮派濫支並在城內什字口設立閱報室講演所各一處每逢集期委員講演以期教育普及再民國十七年又在教育局添設益智圖書館中山俱樂部以資眾覽藉開民智

明

社會教育民國十七年已在城內佃設民衆閱報觀書處講演所由縣政府委派經理一名講演員二名又在城內設天足勸導所委勸導員一名城鎮高初各學校皆令附設民衆學校招集平民共二百餘名每日授課二點鐘並令各校學生一律成立不娶纏足女子會各鎮添設天足分會勸導纏足婦女實行解放

民國十八年春在教育局東廂成立益智圖書館搜集新舊圖書以備民衆領閱又組織學生講演團輪流在城關講演

華亭縣立第一高級小學校歷任職教員姓名一覽表

姓名	甫籍貫	職務	任職年月
陳輔周	華亭	勸學所長	光緒三十三年任
王從乾	皋蘭	正教員	光緒三十二年任
潘偉觀	華亭	正教員	民國十二年任
姜輔周	華亭	管校長	民國十二年任
徐延年	華亭	正教員	民國十一年任
王建章	華亭	管理員	光緒三十四年任
强文	華亭	管理員	宣統三年任
徐達		領班	光緒三十四年任
王建平	治亭	管理員	民國元年任
尚政和	子青	校長	民國二年任
幸國霖	仝上	正教員	民國三年至民國七年任
石慶塗	莊浪	教員	宣統三年任
劉廷傑	漢三	教員	民國六年任
尚政治	子平	校教員	民國七年任
潘達觀	維新	校長	民國十五年任
柳燧霞	煥五	校教員	民國十二年任
黄象乾	子元	教員	民國九年任
邵攀桂	秦安	教員	民國九年任

曹明道	王誥	幸育仁	陸霄漢	趙時英	柳蔭霞	王允若	朱立夫	秦質夫	張國棟	劉篤敬	姜炳炳	劉守經	賀家修	潘孔嘉	王化行	武步祥	張友棧	胡克仁	丁翥雲
子新	勉齋	心全	雲程	子忠	蓉生		祝三			爾奄	星若	叔為	法軒	子丕	美軒	子貞	無咎	樂山	漢章
三原	華亭	華亭	武威	華亭	華亭	三原	三原	平涼	平涼	仝上	華亭	隴縣	仝上		華亭	甘谷	秦安	天水	華亭
二高教員	二高校長	級任教員	級任教員	教員	教員	教員	教務主任	教員	校教員	教員	教員	教員	教員						
民國十六年任	民國十六年任	民國十七年任	民國十七年任	民國十七年任	民國十六年任	民國十六年任	民國十六年任	民國十六年任	民國十六年任	民國十五年任	民國十五年任	民國十五年任	民國十二年任	民國十四年任	民國十七年任	民國十三年任	民國十三年任	民國十年任	民國八年任

明 說	陳培道	樂天	三原	二高教員	民國十六年任
	王 謨		平涼	二高教員	民國十七年任
杜如棣	張雄藩	鎮三	隴縣	二高教員	民國十七年任
	辛志勤	禹軒	華亭	二高教員	民國十六年任
張 瑶 林	玉軒			二高教員	民國十七年任
	蔦生	仝上		二高教員	民國十七年任

華亭城內第一高校自前清光緒三十二年成立至民國十六年春成立所有委任職教員斷自民國十七年止共計四十四名俱按姓名籍貫年代列表以資考查

### 度量衡

度量衡不齊一則操奇計盈壟斷市利者每乘之而剝民膏其

弊也積之既久不免愚者貧而智者富拙者貧而巧者富忠者貧而奸者富善者貧而惡者富民生問題不惟不能解決且為國民生計之極大障礙民國十六年財政廳頒賦稅通收銀圓不准折扣之令以齊其衡十七年頒通行官斗免用私升之令以齊其量十八年調查市尺與營造尺之比較求合長短以齊其度皆本虞舜同律度量衡之意欲永絕操奇壟斷之弊使國民得享均平之利免受盤剝之害也志度量衡而去其律以律不過音樂上之關係非全民生活上之關係也故畧其一而詳其三度 華亭通常市尺與營造尺長短相等

量 華亭市斗比官斗大四升民國二十二年春一律改用官斗官升

衡 華亭市用廣平每兩比庫平小七厘五十兩小三錢二分民國二十二年春稱一律改一觔為十六兩

增修華亭縣志

第四編經濟志

財為國家之命脈縣為裕財之源地明清僅有國家稅而無地方稅之規定民國則掃除漏規惡習劃分國家地方兩稅財政上下一體公開以收入言則曰經政以支出言則曰經費收入支出統言之則曰經濟茲志之如左

明清民國田畝考

明田分民屯耕建四種清無藩封廢建田為民田田制僅有民屯耕三種

明原額折正一等民地九千零四十四頃五十二畝八分除荒

蕪六千零一十二頃五十二畝九分除歸平涼衛屯荒熟地六十六頃九十七畝二分除歸固原衛屯地一頃一十一畝八分實得正一等熟地三千二百八十一頃  
清原額舊熟地八千八百三十八頃六十八畝四分六厘內除節年荒蕪地伍千八百九十六頃八十五畝九分二厘外實得熟地二千九百四十一頃八十二畝五分四厘內除撥歸化平縣民地六百三十二頃三十三畝五分六厘又除光緒十三年被水冲壓一十四畝又除現荒未墾地二百三十六頃一十五畝五分一厘外實得現墾成熟民地二千零七十三頃一十九畝四分七厘

清原額舊屯地壹百貳拾頃零四十二畝八分內除節年荒蕪地五十貳頃三十三畝七分六厘外實得熟地陸拾捌頃九畝零四厘內除現荒未墾地貳十柒頃二十五畝零四厘外實得現墾成熟衛屯地肆十頃零八十四畝

清原額舊更名里地陸百叁十五頃內除節年荒蕪地伍百壹十玖頃六十畝外實得熟地壹百壹十五頃四十畝內除現荒未墾地壹十壹頃三十三畝五分七厘實得現墾成熟民地壹百零四頃六畝四分三厘  
合民屯更三項實得現墾成熟上地貳千貳百壹十捌頃九畝九分

宣統三年民屯更三地逐年開墾增加下三中二合折實得成熟上地貳拾貳萬肆千壹百貳拾伍畝二分一厘  
民國十三年知事彭立栻奉令勘丈各鎮餘荒下地貳千玖百肆十捌畝一分三厘實折民屯學上地玖百八十二畝七分  
民國十八年秋修志宣民二數合計實得舊新開墾成熟民屯學三項上地貳十貳萬伍千壹百零七畝九分一厘

明清倉糧考

明初常平倉累儲衛屯京斗麥穀共叁萬捌千貳百石

清乾隆時常平倉年儲衛屯應額京斗麥穀叁百零叁石三斗二升二合六勺實收年儲僅二百零五石一斗二升七合九勺

清宣統三年實收年儲僅京斗麥穀壹百玖十壹石二斗二升  
六合三勺

民國三年省憲迫於軍餉令知事張佩和淨糶常平倉麥穀於  
民積價解省

明初民立社倉皆在各鎮所儲麥穀均無定額

清乾隆時社倉麥穀仍儲各鎮雖經回匪馬如虎之焚燬未嘗  
改儲

同治兵燹各鎮社倉燬耗一空安民後始移儲城中以便保護  
民國三年春城中社倉麥穀因饑腐散放各鎮以連年雹旱兵  
匪交困民不聊生延至民國二十一年尚未收儲

明清賦稅收入考

地丁

明初田分民

平民

屯

衛屯

耕

儒學

建

藩王

四種賦因之

清康熙五十年併丁稅於田賦許永不加賦以杜戶口逃亡及  
地多丁少之弊

華亭地丁原額起存銀五千三百九十六兩六錢七分三釐除  
撥歸化平縣徵收地丁銀一千一百三十五兩零四分二厘外  
實徵地丁銀四千二百六十一兩六錢三分一厘又除荒蕪及  
被水冲没請准豁免地丁銀四百三十四兩零七厘光緒末年  
實徵地丁銀三千八百二十七兩六錢二分四厘每兩與塩引

鹽課合徵制錢二千四百七十文遇閏加徵制錢三十文民國六年秋閏加豁免

民國四年合逐年開墾增加共實徵地丁銀三千八百六十一兩清更名里京斗衛屯糧每年額徵三百零三石三斗二升二合六勺內除荒蕪未徵糧九十八石零九升四合七勺實徵京斗衛屯糧二百零五石一斗二升七合九勺每石折銀九錢一分七厘共折徵衛屯糧銀二百二十九兩零二分五厘

民國四年衛屯糧京斗每石改折徵銀二兩二錢二分又加徵耗費銀九分九厘共實徵衛屯糧銀四百六十四兩一錢四分六厘五毫是年秋地丁銀每兩部令附加銀七錢九分二厘七

毫耗羨銀一錢三分改清定徵收制錢死價照市估銀價徵銀或錢民國十三年知事彭立柱奉令勘文餘荒增加地丁正銀一百七十九兩六錢八分七厘與原有地丁衛屯糧銀合計實徵地丁糧銀四千零四十兩零六錢八分七厘與每兩附加銀七錢九分二厘七毫及共加葯味銀一兩三錢四分合計實徵正加葯味地丁糧銀七千二百五十兩零九錢七分二厘四毫民國十六年春省長薛財政廳長楊通令各縣地丁糧銀正加葯味每兩合徵大洋二元五角不准浮收自此以後每年實徵大洋共一萬八千一百二十七圓四角四分

清初塩引原額一千五百三十張共徵課銀三百二十九兩七錢一分五厘內除撥歸化平縣引課銀六十九兩三錢五分一厘又除懸荒未徵引課銀二十六兩八錢七分九厘外實徵引課銀二百三十三兩四錢五分八厘同治十年攤入地丁合徵

### 釐金

清同治十年設釐金局徵收行商越省貨稅及落地稅以助軍餉宣統三年改釐金為統捐全年比較錢三千串文

### 畜稅

清同治十年畜稅由縣署以五分徵收每年解藩司無定額宣統三年由省財政處另設包辦員全年包規錢八百串文

### 當舖當稅

清當舖領帖每張納銀八兩六錢一分五厘每年納稅銀一十兩

### 磨帖磨稅

清水磨一盤領磨帖一張納帖銀一兩每年納磨稅制錢一千一百六十文

### 契稅

清買契按價納稅九分由縣署蓋印徵收佃當契無印稅

### 斗秤行

清同治後斗歸鄉約秤歸集頭納行縣署有支應無別款

總以上賦稅項目觀之清有國家稅而無地方稅民國始有國家稅地方稅之分謹列表於後以作財政進度之徵

華亭縣民國十七年度國家賦稅統計表

明 說	屠	契	磨	善	散	磁	華亭縣志	皮	牲	菸	印	統	地	稅		
	宰	尾	課	後	茶	器	卷 一 一	毛	畜	酒	花	捐	丁	別		
<p>華亭國家賦稅以民國十七年入率算之前清所有者僅地丁統捐二項總計約收大洋一萬三千三百六十九元零五分前清所無者如印花菸酒牲畜皮毛瓷器散茶善後磨課契稅屠宰總計約收大洋一萬七千九百三十八元一角六分七厘與民國四年附加十二年新丈及舊有地丁統捐總計約收大洋一萬九千一百零一元七角一分七厘五毫二總共計大洋三萬七千零三十九元八角八分四厘五毫每年收入已超過前清收入大洋二萬八千六百七十元三角八分四厘五毫謹說明以作財政進度之徵</p>	民國四年開辦六年罷十七年復徵以前無	民國元年設徵信局以後因稅四年復驗稅以後	民國三年開辦	民國四年開辦以前無	民國四年開辦以前無	民國九年開辦以前無	民國六年開辦以前無	清光緒年間開辦以前無	民國四年開辦以前無	民國四年開辦以前無	清同治年間開辦以前無	歷代皆有	歷代有無及開辦年月			
	四三〇.1	一六八〇六七	二〇〇元	七八〇〇元	一二〇〇元	二〇〇〇元	一五〇〇元	三〇〇〇元	八〇〇元	八四〇元	九〇〇元	一〇一〇一元七七一七五	附加	經徵手續	上解或撥支	
												四年每地丁銀一兩加七分	經徵手續	上解或撥支		
	十七年復徵由百貨局代徵四角半三角	清為縣署漏規民為縣稅由	共報下水磨一百六十盤分三元一元由縣徵收	委局長特收	百貨局代收	百貨局代收	初規每駝收銀八錢	清五分由縣署征收由國貨局代徵	百貨局代收	百貨局代收	由縣科分派城鎮商號銷售	省委局長設局及分卡徵收	向分里每十甲各舉兩財浮收	經徵手續	上解或撥支	
												軍餉	由縣署上解財政廳撥	經徵手續	上解或撥支	
												解財政廳或撥	支軍餉	經徵手續	上解或撥支	
												每年如數上解財政廳		經徵手續	上解或撥支	
														如數由局解財政廳	經徵手續	上解或撥支

華亭縣民國十七年度地方稅捐統計表

稅別	開辦年月	實收數	經徵手續	用途分配備考
本城斗款	民國元年	貳千叁百串		
本城集頭	民國元年	肆百柒十串		
本城脚捐	民國七年	肆百肆十串		每年撥教育局 常年經費叁 百串
本城屠行	民國十七年	柒十貳串		
全縣油秤	民國元年	壹百伍十元		
窰鎮斗款	民國元年	壹千八百串		
窰鎮脚捐	民國七年	貳千陸百串		
馬峽脚捐	民國七年	壹千四百三十八串二百		
馬峽藥秤	民國十一年	貳十肆元		以上均係公安 薪餉
本城蔴店	民國四年	玖百串		內撥自治款錢八百 串撥公安款錢一 百串
本城蔴担頭捐	民國十五年	壹百柒十元		
硯峽炭捐	民國七年	壹千七百三十五元五角		
窰鎮炭捐	民國七年	貳千四百五十五串	以上各款均招商 辦由地方公款委 員會經收	以上三項原籌 保衛團薪餉

華亭縣志

卷二

四十八

說明

華亭原籌公安局保衛團自治及教育經費共大洋五百一十六元五角錢壹萬零貳百陸十五串二百文民國十六年夏均收存地方公款委員會以備領支如有不敷由縣政府設法籌補按季按年繕具四柱清冊呈報通告以重公開

經費支出考

祀典

清春秋祀典

文廟每年留支地丁銀四十五兩

武廟每年留支地丁銀二十一兩零八錢

各壇廟每年留支地丁銀一十四兩五錢九分二厘

民國二年改文廟中祀為上祀罷留支額金置俸祀官就地籌祀  
民國十八年春罷俸祀官文廟祀典准每年八月二十七日舉  
行一次廟址由教育局長看護祭儀由教育局長辦理雜費在  
地方公款局領支

職官薪俸

清定華亭為下縣知縣一員年支薪俸銀一十五兩八錢廉銀  
六百兩教諭一員年支薪俸銀四十兩典史一員年支薪俸銀  
二十九兩一錢二分五厘經制一員年支京斗衛屯糧九十一  
石四斗

民國官長薪俸謹列表如左

# 華亭縣民國十七年度官長薪俸及行政公費統計表

官 長	職 員	薪 俸 數	行政公費數	合 計
縣黨部常務委員一員	執行委員四名	年支大洋一千二百元	辦公雜費括上	一千二百元
縣政府縣長一員	科長三員	年支大洋二千八百八十元	辦公雜費二千五百二十元	五千四百元
管獄員一員	事務員一名	年支大洋二百八十八元	辦公雜費括上	二百八十八元
公安局局長一員	事務員三名	年支大洋一百三十元	辦公雜費二百七十元二角	四百元零二角
教育局局長一員	事務員三名	年支大洋一百三十元	辦公雜費五百二十七元三角〇五	六百五十七元三角零五
財政局正副局長各一員	事務員二名	義務	辦公雜費三百二十四元	三百二十四元
建設局局長一員				

## 華亭縣志

## 卷 二

## 五十

百貨局局長一員	事務員五名	年支大洋陸千六百元	辦公雜費括上	六千六百元
菸酒局局長一員	事務員三名	年支大洋壹千一百五十二元	辦公雜費括上	一千一百五十二元
教育會常務委員一員	執行委員四名	年支大洋六十元	辦公雜費二十元	八十元
商務會正副會長各一員	事務員二名	義務	辦公雜費一百元	一百元
善後局局長一員	事務員四名	年支大洋二千四百元	辦公雜費括上	二千四百元

## 明 說

以上薪俸及行政公費由國家稅開支者共大洋壹萬柒千零四十元由教育經費開支者共大洋柒百叁十柒元叁角零五厘由地方公款開支者共大洋柒百二十四元二角合計每年共支大洋壹萬八千五百零一元五角零五厘職員薪金除商會在百貨担頭項下特籌特支外其餘均在辦公雜費內提支至皮毛散茶畜稅等項均由百貨局代徵不另支薪

清教育經費額支考

清同治亂後全縣准設義學六堂每堂年支釐金銀三十兩學  
田租課為補助經費

民國教育入出經費列表如左以資比較

華亭縣民國十七年度縣教育經費收入統計表

項 目	開辦年月	實收額數	經徵手續	用途分配	備 考
鹽 課	民國十四年	六百二十八元五角二分九	由縣政府二科隨糧征收教育局按四季領支		甘肅財政廳撥
全 縣 畜 用	民國八年	五百二十元	每年終由政府教育局招商在縣政府投票包辦先交押底三分之一餘按月分交		牲畜價洋一元抽收畜用高初各二分
縣城百貨麻秤行	清光緒三十二年	四百二十五元			秤用客販麻每斤市錢八文百貨每担洋二角或三角
全縣鹽秤行	民國元年	三百二十元	全 上		秤用每馱駱駝五角驢二角五
馬峽鎮斗秤行	民國元年	二百六十七元八角	每年由該鎮紳士公舉二人包辦交款手續全上		每斗折用三合秤用全城
糧 販 捐	民國十五年	三百六十元	每年徵收手續分提成委辦押底包辦二種		驛馬每袋洋二角驢一角



華亭縣民國十七年度清查城區學田統計表

區別鎮別	段落	畝數	年納租課數		查歸年月備	考
			直接	或間接		
第一區	本城	三十六段 二百四十二畝六分二	每畝麻租三十斤秋季 照市價由教育局收錢	民國四年	係清廣濟局地民國四年拍賣官產委員 到華出賣經前勸學所長張樹勳會同 學界籌款買歸學校作為教育經費	
	龍眼	二十二段 五百三十畝零八分	年納租課一十四石七斗九升 秋夏各半內五十二畝間 接收	民國十六 七兩年	牛丘廠九十畝花子零六十畝紅崖河九姑 畝李家塆八畝埭圩裡六十六畝八分仙姑 山廟左右二百九十七畝	
	柴坨	八段 二百一十二畝	年納租課十石零一斗九 升夏八斗餘係秋糧內 四十畝間接收	民國十六年	南河裏四十畝杜家庄二十六畝背潤裏 十七畝南塆上十四畝上街口十六畝莽丈 溝六十畝	
	硯峽	七段 三百六十四畝	年納租課十二石八斗二 升直接收	民國七年	後庄裏四畝老庄灣五十畝米家溝五十 畝馬鞍橋一百一十畝蒼兒溝一百一十畝龍 王廟四十畝	
	九龍	二段 一十三畝	年納租課六斗間接 收	民國十六年	龐家磨三畝王家河十畝畝	
第二區	窰鎮	八段 三百四十畝	年納租課一十二石三斗 間接收內八十畝直接 收	民國十六年	西嶺尚家塆八十畝餘在鎮之各 村	
華亭縣志 卷 一一 五十三						
第三區	上關	六段 一百一十畝零五分	年納租課三石九斗七 升間接收	民國十六年	紅崖山剛草溝七十畝畝餘均在青 林村上關村	
	下關	二十三段 七百六十六畝	年納租課二十五石九斗 間接收	民國十七年	地在下關村高山村尚武村珍林村 四處	
	王天	四段 二百二十四畝	年納租課六石四斗二 升秋夏各半內二十畝 間接收	民國十七年	賀家寨二十畝石甍子八十畝杏樹嘴三十 畝寺溝裡九十四畝 寺溝係平涼舊柳湖書院學田	
第四區	馬峽	一段 一百畝	間接收	民國十四年	此係山地前任彭縣長任內新丈現開 二十餘畝讓荒三年十八年納租	
	山寨	七段 一百零四畝	年納租課三石七斗五升 秋夏各半內麻地四畝間 接收	民國十七年	大寺塆五十七畝安家庄十六畝蔡川 裡三十一畝	
	新店	三段 三十六畝	年納租課二石一斗六升 間接收	民國十六年	張家溝門十八畝官路上十二畝官 路下六畝	
明 說	<p>華亭學田舊有合張樹勳李興魁尚政治潘達觀等民國五年籌買城內廣濟局地僅一千二百餘畝每年收租無幾至民國十六年幸邦隆主任教育局事務極力整頓商全王葉張各縣長委清理學產專員張瑞林親赴各鎮調查侵蝕竟增加至三千餘畝除歸教育局直接經收外其餘均歸各鎮學務委員經收作該鎮初小補助經費以期基本教育之發展</p>					

蠲賑

明代蠲賑無考

清同治以前蠲賑亦無考惟光緒中葉被水沖沒及逃亡地丁糧銀蠲免共四百三十四兩零七厘

民國十五年秋甘肅省長薛及財政廳長楊蠲免隴東鎮守使張兆鉀煙地罰款大洋壹拾叁萬之半

十八年春夏大饑甘肅籌賑會二次撥賑飢大洋六千五百圓由縣賑務分會公議二次散放急賑大洋三千圓餘三千五百圓以工代賑修城路學校

冬十二月甘肅籌賑會復撥賑饑大洋三千元到縣在賑務分

會開會表決派員查區鎮災情輕重饑民戶口多寡按土住僑客二數分配放賑

二十二年秋八月縣長董雲峰因九鎮慘遭雹災組織臨時賑濟委員會調查災民戶口募捐糧款散發麥種救濟飢民預防逃亡

增修華亭縣志

第五編禮俗志

禮俗為地方習慣所造成民族複雜則性行各異宗教繁多則儀式不同久之演為習慣即美惡亦不自知甚至一區一鎮亦有大同小異之別惟文化實改良禮俗之樞紐謹志一編以作採風問俗移風易俗之資助焉

民族

附性情宗教

華亭人民分漢回兩族漢族佔七分之六土住漢民經同治亂後僅餘六分之一川陝武都靜寧莊浪秦安清水漢民由安輯遷徙而來者佔六分之五土住回民及安撫陝西回民佔七分

之一

性情 華民漢回性皆勤儉古樸分言之漢族多拘守畏遊歷爭小利忽遠圖回族多勇果好遠商重經教輕文學惜自治尚未完善教育不能普及致可貴之性情盡為賄訟盜賭所摧殘痛哉惟士鮮干謁懦進取樂孤高短互助其不苟營處在是其不發達處亦在是

宗教 宗教不僅為崇拜聖神之端抑亦固人心結團體保種族之要需也華民雖分漢回兩族而宗教之派別則甚雜回族奉天方新舊教者約一千二百餘口寺設阿訇以司教務禁制其種人始不得再入別教所以人心固結而不解漢族則奉佛

教道教者約八百餘口奉天主教者各約五百餘口奉福音教者約三百餘口奉儒教者一千一百餘口不過為紳學界之士人除此四千七百餘口有宗教之人民外其餘三萬零三百餘口皆無宗教束縛之自由民可因勢力而左右袒者然宗教愈多則人心愈散團體愈小民族之結合力亦愈微弱於國家政治及社會風俗上均有絕大之影響

### 戶口

明初漢回共一千一百二十戶男女丁共一萬零八百八十八口成化後漢回減為七百二十戶男女丁減為八千四百三十口正德間戶口較初數不及三分之一以政繁賦重多逃亡也

清乾嘉之際漢回增至一萬三千九百五十七戶男女丁增至一十四萬五千零三十八口同治亂後戶口摧殘不及明初經光緒三十四年之生聚延及宣統二年漢回又增至五千五百戶男女丁又增至二萬六千一百八十一口矣民國十七年籌辦自治復行調查漢民約五千七百二十戶男女丁三萬零四十一口回民約一千二百二十戶男女丁約五千零二十口漢回合計共六千九百四十戶男女丁共三萬五千零六十一口戶口雖無乾嘉之多較之光緒初年亦云庶矣

### 方言

語言為人類交通之具華亭漢回雜居土客合處其聲音清濁

高下剛柔緩急多不相同稱呼亦因之而異謹據採訪所得志之如左

土住漢民稱祖父曰爺祖母曰奶奶父曰爹曰逢母曰媽伯父曰大爹叔父依序稱二爹三爹伯母稱大媽叔母依序稱二媽三媽哥弟姐妹無別稱壻稱岳父母曰亦父亦娘舅父母無別稱武都徙居漢民稱祖父母曰爺曰婆父母曰爸曰姪伯父母曰大爸大姪叔父母依序曰二爸三爸二姪三姪哥弟姐妹無別稱岳父母之稱與本生父母同稱舅父曰舅舅舅母曰妗子拿某物來曰喊來犁頭曰杠頭餘同

主山麻菴二鎮漢民稱祖父曰爺爺祖母曰婆婆父母曰逢曰

娘伯父曰大逢曰伯伯伯母曰大娘外祖父母曰外爺外婆姑夫長兄曰大姑夫姑夫之弟曰二姑夫三姑夫對人自稱曰曹喂牲畜曰嚼頭口驚呼之詞曰我呀呀那箇曰阿餘同

四川移徙漢民稱祖父母曰公曰婆父母曰父母伯父伯母曰伯伯伯娘叔父叔母曰爸爸孀娘岳祖父母曰阿公阿婆岳父母曰外父外母被兒稱鋪蓋餘同

陝西移來漢民稱父母曰伯曰娘伯叔父曰大爸二爸餘稱與土住漢民同

土住及安撫回民稱祖父曰爸爸祖母曰娜娜父母曰逢曰娘伯父母曰老逢老婆姑娘曰姪姪草鋤曰鉏餘同

河州移來回民稱祖父母曰阿爺阿奶父母曰阿達阿娘伯父  
母曰阿伯阿嬸叔父母曰阿爸阿姨餘同

同者如 親家 媳翁婿岳 相見之稱 俊子 謂人相貌 身秀美也 挑擔 他人呼姊妹 幾婿之謂 便宜 謂價 賤也 勞切

謂其人難 對付也 整治 修理壞物之稱 又責斥人之謂 老火 謂令人 難受也 麻達 不耐之謂 又事 難做之謂 暢快 謂人豁 達也 蠻的 乖美也 又 橫暴也

乖的 愛小孩 之口吻 高興 輕狂 之謂 浪浪 遊玩 之謂 體面 美貌 之稱 揚氣 華美 之稱 可惡 兇狠 也 可憎 愛又 恨也 乖

爽快也 爽 帖服也 冒失 言行皆 荒唐也 夥記 呼僱工 之謂 真箇 實情 也 排場 局面大 方也 商戶 富家之 稱 有商

田地潤 澤之謂 喝湯 吃晚 飯也 撐眼 舉動不中規 矩刺人目也 光鑽 謂人慧黠 伶俐也 痴癡 謂人舉動 死塞也 傷臉 謂人不怕 羞辱也 東道

主人待客 飲食之稱 壞鬼 人不作好 事之稱 混蛋 不懂事 人之稱 阿呀 不贊成 之口吻 那麼 是那樣的 之答詞 倭子 謂人身體 矮小也 結子

謂人之言 語遲鈍也 花翻 使人喜悅也 你呀 謂人不敢 如此也 我呀 我心不 肯之詞 老實 要實做也 有忠信也 嗎忽 作事苟 且也 頗疲

燃蛋 言語不 清楚也 扯謊 說誑 話也 料白 無信 實也 抬愛 求寬待 之謂 搾實 待人過刻 之謂 冷棒 不當做而 做之謂 頗疲

華亭縣志

卷二 方言

能耐勞 苦之謂 礪薄 不耐勞 苦之謂 乾蘇 婦人修飾 整潔之謂 躡踏 謂人身體什 物不潔淨也 掃興 傷臉自謂 之口吻 轉趣 得人扶助 之答詞 扭搬

心肯貌不 肯也 喏唆 謂人太糾 纏也 顛頂 謂人糊 作為也 代共 凡事籠統 之謂 糟踏 謂人損壞 東西之稱 老好 謂人良 善也 眼害

謂人見不 得之詞 逛鬼 謂人不作實業 糊游之稱 邦肩 謂事大概 可成也 拉架板 踏人背 脚之稱 忽骨董 弄髒 之謂 不清爽 有小病 之謂

咕嚕子 賭博人之 稱 新發戶 新近發 財之稱 明後遭 明日後日無 定之謂也 瓜呆子 無知識之 諺詞 大漢家 謂人 身體

長大 也 狼頭客 謂人貪鄙 太甚也 噶嚕客 謂人吝嗇 錢財也 古董客 謂人懷 傲也 吹牛皮 謂大言 欺人也 垢痂痂

謂人碎細 儉鄙也 碎蚤蚤 碎小不 忍之稱 莫倚抓 作事無結 果之口吻 怪到來 先不明而 後知之詞 巧欠嗎 問長者矯 健之轉音 鼈

騷人 謂事不公 平之稱 五郎神 謂人人可 交之詞 做嘍家 謂人幹什 麼之稱 古怪的 奇異 之詞 窩裏老 謂人 作事

不出頭 之稱 懵懵了 謂人作事糊 塗之稱 你嗎是的 人已暴動我不能勝 而欲禁制之口吻 你仔麼了 不知其人為何 病之問詞

不顧局面 謂人作事倔強不知 進退不合衆意也

此則俗言之最普通者

## 生業

附藝術

華民業農者十之九業商者十之一十一之商且多兼營農業而業工者則甚少故衣物需用恒多取給於客商一切資費皆賴糶穀以出之故生計無論年之豐歉均不免有乏食乏財之患至二區窯鎮則有業農而兼營瓷業者然製瓷之工人率皆聘之外省土工絕無推陳出新之技能西南近山之民業農之暇則斫天然林木出售冬季或燃炭賣之以養生此生業之所以日蹙也

藝術 華亭無聊之民多藝巫而通醫藥及星算卜易陰陽等術者亦間有之其他攻金石竹木瓷土之藝者則僅能製粗笨

## 華亭縣志

### 卷二

生業附藝術 文化

五十九

器物而已

又中上之家婦女日趨奢情尚洋貨慕時髦不事織紡下等之家婦女兼事耘耔助塲事蓬頭垢面體無完服狀獨甚苦誠能注重實事提倡婦女織紡以裕生計不惟奢情之風可革即利權亦庶幾稍可挽回矣

## 文化

附衣食住行禮樂美術嫁娶喪葬

文化之進退教育之興廢繫之教育之興廢司教之勤惰關焉華亭文化以漢明兩朝為極盛所出人材亦最多事功亦最著據民國十七年之調查全縣人民六千九百四十戶丁三萬五千零六十一口男女學童四千三百七十七名而入校讀書者

僅一千一百餘名以三十五分之一計算每百人中識字者不過三四人耳趙浚谷修平涼縣志譏華亭士習云學者稍能屬文入庠獲廩即坐而待貢不求上達以紳土豪於鄉里便自鳴得意不知社會國家為何物嗚呼豈漢明以後之山水不鍾靈毓秀於華亭乎抑亦司牧司教之怠於培養致貧者自棄富者自暴俾聰穎子弟皆耽誤於無形之間耳豈可盡咎之士習哉民國鑒於列強之壓迫初中大三級學校崇尚軍國民教育男女壯幼特立強迫讀書條例以期達到普徧識字之目的欲造成民族愛國之資格內亂若平文化自不難超越前代矣華亭自戎那隸屬中國束髮而冠者歷二千餘年滿清入主華

夏強迫雍其外圈垂髮辮於背垢污滿服又碍工作與束髮之累同民國成立由元年至二十一年剪髮辮而現圓光除蝨窩而潔清頂者已達十分之五若再加以強迫頭上煩惱絲自不難盡除矣

衣 通常衣料以棉布洋布絲布為大宗綢緞上戶嫁娶稍有用者紗羅則用之者甚少

明冠巾幘衣圓領大袖履厚靴禮服常服悉遵漢式官民等級之制分析甚嚴

清禮冠用草紗呢絨貂料上覆紅纓有科名官階者分品級綴領頂衣蟒補履烏靴襟左縫而袖馬蹄禮服常服悉遵金

式官民等級之制較明稍疎

清半瓜式之布帽緞帽官民普通用之婦女金銀首飾繡衣繡履備極奢侈裹足之風已小達極點

清盛及中興時衣裳袖身俱寬長至末季迄民國初年袖身均尚窄至有衣冠鱗介之譏

民國衣冠大禮冠服全去清制便禮冠服因之制均簡素便服便帽仍清制者尚多

民國四年大禮冠服袁世凱改用周制不合時宜未幾即廢民國十五年後婦女裹足之風漸革金銀首飾繡衣繡履多不時尚衣裳身袖漸寬女冠亦出覆帕亦少服裝日趨樸素

食 食料以麥及玉蜀黍為大宗蕎麥糜穀豆芋等次之肉食以豬羊鷄為最多飲料尚茶嗜清酒濁酒煙草味喜酸辣山珍海味非上戶婚葬鮮有用者

住 明清住室經同治兵燹無一存者光緒初年招安之民建築無完整規劃恒就田地所在結草廬掘土窟覆土房零星散居即城鎮修造亦無監督叅差任意近雖戶口日繁瓦屋漸多公署學校趨尚新式然聚居之民除一二區市鎮有數百家或數十家同居外餘皆不成隣閭村制此自治之所以極難辦理也

行 幹路官常督修支路民鮮治平代步多用驢馬運載間有

牛車或人力車至驕車腳踏車黃色車汽車等則碍於道路不治交通未便無用之者肩輿清末及民國初年上戶嫁娶稍用近亦盡革

衛生 清潔為衛生之要華民家院街巷常積糞穢非公安局督責多不掃除最碍眼鼻個人衛生尚且如是公共衛生何能談及

禮 明清儀式祀典相禮主祭均着禮服冠靴行三跪九叩首式民家吉禮均從之喪禮無論官民孝子均戴麻冠服白素通行四興四拜禮以示與吉禮別  
佳節慶賀誕辰及特別紀念均行三跪三叩首禮人子對於

尊親屬平常則行四跪四叩首禮

民國初年祀典相禮主祭亦着禮服冠靴通行四跪四叩首禮民間吉凶禮皆因之

民國三年中央禮制館始規定祀典行脫帽三三九鞠躬禮民家吉凶禮行脫帽三鞠躬禮士相見門內行脫帽一鞠躬禮門外行不脫帽一鞠躬禮武人門內行禮與士同門外則行舉手禮握手禮士相見近亦行之

近今鄉間未受教育之民吉凶慶弔仍行一跪三叩首禮主人答禮頗覺煩難

樂 明清華亭無古樂器每逢祀典輒用劇樂代之民間吉凶

禮亦然

民國教育界人間有用風琴奏譜調者以學校兼重音樂能拍風琴者漸多故也

唱歌 民國學者多唱教育部審頒之譜歌民間則多唱明清之俚曲新劇現時社會少有演者

美術 工大小字者當以清咸豐時薛九先生為絕倫先生諱字無考住西關劉家渠東台性豪放嗜酒大書醉筆尤佳用筆潑墨運氣布局莊勁圓潤胚胎逸少步武松雪城隍廟你來了麼四字匾額相傳為先生遺筆至今人猶寶之當時撥鐙名聞秦晉近則罕有及者

隸書清光緒貢生潘達觀尚可城南藥王洞壽世春三字其遺筆也

繪畫清光緒間有姚進發稍善工筆其弟子王奉理亦不遜於乃師惟高弟馬兆麟遊歷各地工筆畫較其師尤超塑像亦精絕動人殆所謂青出於藍而勝於藍者乎

專工寫意畫者為已死之唐璽近今工鋼筆鉛筆諸畫而兼能寫意者當以紅山鎮之劉瑞為特色即紙工泥工亦有優越之點

嫁娶 舊志華亭明時嫁娶除他省及再醮聘禮皆用重金外凡屬本籍之童婚純以牛馬豬羊為禮清初始用聘金布帛

漢族貧與貧婚聘禮市錢多不過十二千富與富婚聘禮市錢多不過三十二千或四十八千要之均以二十四千為通常之聘禮布帛以無過奢之弊富者粧奩每多超過聘禮迄至民國戶丁日繁聘金改用銀圓較前之市錢漸昂粧奩亦漸奢納采發媒問名開庚納吉回庚納徵行禮請期報期親迎婿迎六禮之制多簡畧不脩娶時婿家請男女僕新取各一二人先期同媒妁用輿或馬至母家迎女是日母家親屬亦送陪奩候迎次早婿迎女於途或靜候門庭女至則婿導入房先行周堂禮俗謂之拜天地粧奩及送女者皆後至如女父親臨則與乃翁行告奠禮列粧奩於庭俾衆參觀與姑婿交訖然後來賓

致賀設筵歡飲而去是晚則行合巹禮於洞房而成婚翌早則婿婦謁祖先於堂祀灶神於厨拜翁姑尊親屬於庭三日入厨從事烹飪十日母家親屬復至婿家顧女回民嫁娶禮節特異者惟合巹時請阿訇誦經一事耳漢女歷年多有嫁回民者回女以宗教故而嫁漢民者則無之此漢回之所以難於同化也民國十七年春本民法公佈童婚聘禮至多不得過百圓寡婦聘禮至多不得過五十圓社會買賣婚姻之惡俗或從此可以盡革民國二十年結婚新禮學界亦開幕行之

喪葬 喪葬凶禮古今同尚大報本明忠孝也華民本生父母

死均遵舊制寢苫枕塊三日承服七七哭祭卜吉發引躬行  
獻禮孝子執紼捧柩安葬筵酌吊客俱按家道無過奢太儉  
之弊奠儀親屬多祭羊獻糕祭豕者甚少吊時皆雜送冥鏹  
朋吊厚者致糕鏹薄者贐香紙間亦有公贈輓聯屏幃以表  
遺行者奠訖受筵而後散發引時親朋皆執鏹鋤送葬幫孝子  
封墳孝子復備筵酌謝儀厚而居遠者脩帖申謝近者親踵  
謝之三週除服孝子致祭親朋致奠獻酌如儀除服均依總  
麻大功小功期年三年之制無隕越者惟誦經風水之迷性  
則尚未盡除青紗代白之服制則尚未實用鞠躬代跪之儀  
式則尚未通行若非教育普及此種舊習殆難驟革也

每年除夕展謁祖先清明拜掃墳墓七月十五追奠元會十  
月一日紀致寒祭皆具古禘禴嘗烝慎終追遠之遺意民皆  
舉行未可厚非者也

